

Hab. in Transcaspia (Suluk-ly! d. 31 martii 1902), D. Ahnger (Mus. Helsingf.).

Primo intuitu *Ph. dimidiato* Kirschb. similis, antennis aliter constructis, longioribus, annulo basali albo articulorum secundi et tertii latiore, pronoto linea tenui pallida longitudinali signato etc. divergens; a *Ph. Pici* Reut. et *brachymero* Reut. structura antennarum mox distinguendus. Caput basi pronoti vix magis quam $\frac{1}{3}$ angustius, a supero visum transversum, ab antico visum (φ) latitudine cum oculis paullo longius, clypeo basi a fronte bene discreto, a latere viso angusto, perpendiculari; flavo-albicans, lineolis verticis, lineis transversalibus frontis, clypeo fere toto, loris bucculisque nigris. Oculi magni, granulati, convexi, a supero visi orbiculati, nigri. Rostrum coxas posticas paullo superans, albicans, apice nigro. Antennae articulo primo linearis, setis pluribus rigidis albis et fuscis crassitie articuli paullo longioribus. Pronotum apice quam basi duplo angustius, disco versus apicem leviter declivi. Scutellum angulis basalibus nigris, cetero parum signatum, griseo-flavens. Hemelytra (φ) abdomen modice superantia, membrana albida, dense nigrocinereo-irrorata, areolis magnam ad partem nigris. Pectus nigrum, prosterno medio albicante, orificiis metastethii albis. Venter albido-flavens, lateribus late nigro-conspurcatus. Coxae omnes albae. Tibiae albo-spinulosae.

2. *Phytocoris moestus* Reut.

Superne fusco-cinereus, parce albo-variegatus, capite sat leviter nutante, a latere viso altitudini basali aequo longo, fronte parum declivi, clypeo a basi prominente, angulo basali acuto, vertice (σ) oculo fere angustiore, albo, signatura antrorsum triramosa fusca signato, fronte albo- et nigro-lineata, maculis utrinque ad basin clypei vittaque utrinque bucculas terminante albis; oculis (σ) magnis, valde convexis, a supero visis orbicularibus; antennis articulo primo linearis, gracili, pronoto verticique usque ad medium oculi a supero visi aequo longo, dense nigro, albo-guttulato, secundo primo fere $2\frac{1}{2}$ longiore, nigro-fusco, annulo basali albo crassitie articuli duplo latiore; pronoto macula media stricturae api-